

ՀԱՅԱՍՏԱՆԻ ԲՐՈՆԶԵԴԱՐՅԱՆ ՄԵՏԱՂՅԱ ՍՊԱՍՔՆԵՐԸ

ՍՏԻՓԱՆ ՆՍԱՅԱՆ

Հայաստանի միջին և ուշ բրոնզի դարաշրջանների հնագիտական հուշարձանների պեղումներից հայտնաբերված բազմաքանակ իրերի մեջ առանձնանում է տոհմացեղային ավագանու կողմից զանգվածաբար օգտագործվող մետաղյա գտածոների մի ոչ մեծ խումբ՝ բաղկացած կաթսաններից, գավաթներից, թասներից և այլն։ Այս իրերի մի մասը ձևերով, հրաշալի հարդարանքով և զարդանախշման մոտիվներով դեկորատիվ-կիրառական արվեստի հայակապ երտվածքներ են, իսկ մյուսները՝ առօրյա գործածության առարկաներ։ Ըստ կիրառական նշանակության, այս իրերը բաժանվում են մի շարք տիպերի, որոնց մի մասը հարատևում է քննարկվող ամբողջ ժամանակաշրջանում, իսկ մնացածը որևէ որոշակի ժամանակահատվածում։

Առավել հետաքրքիր նմուշներ են հայտնի Կիրովականի հանրահայտ, միջին բրոնզի զարկվերով (մ. թ. ա. XVII—XVI դդ.) թվագրվող դամբարանաբլուրից, ուր տարատեսակ խեցանոթների, զենքերի և այլ իրերի հետ գտնվել են արծաթե գավաթներ, դուլլ, թաս և երեք զուգառյուծների պատկերներով զարդարված հրաշալի ոսկե գավաթ։ Այդ ժամանակաշրջանին է վերաբերում նաև Լոռի բերդից, Արաքսից և Երևանից գտնված իրերի մի մասը։ Պակաս հետաքրքիր շնչ լճաշենի, Արթիկի, Լոռի բերդի և այլ հարուստ դամբարանաբլուրներից ու դամբարաններից պեղված նյութերը, որոնք թվագրվում են ուշ բրոնզի դարի տարբեր փուլերով (մ. թ. ա. XV—XII դդ.)։

Մետաղյա սպասքի առավել բնորոշ խումբն են կազմում կաթսանները, որոնք պատրաստված են երկու-երեք պղնձե կամ բրոնզե թիթեղներից և իրենց ձևերով բաժանվում են մի շարք տիպերի։ Այս իրերի առաջին տիպը ներկայացված է Կիրովականի դամբարանաբլուրից, Լոռի բերդից, Արուճից և Երևանից գտնված նմուշներով։ Կիրովականյան օրինակը խոշոր, պղնձե երկու թիթեղից դուրգամված անոթ է՝ Սրա բարձր (36 սմ), ուղիղ իրանը կենտրոնում մի փոքր նեղանում է։ Հատակը կլորավուն է, պատրաստված՝ ամբողջական թիթեղից (աղ. I, նկ. 2)։ Դրան ձևով շատ մոտ է Արուճից գտնված կաթսան, որն առաջինից տարբերվում է միայն փոքր-ինչ ավելի հարթ հատակով (աղ. I, նկ. 1)²։ Երկուսի կանթերն էլ զամբրով ամրացված են իրանի վերին մասին և ուղղահայաց բարձրանում են շուրթից վեր։ Լոռի բերդի № 6 դամբարանից գտնված կաթսան ունի 33 սմ բարձրություն³։ Նրա զրնթե ուղիղ իրանը վերին մասում մի փոքր նեղանում է։ Կիսակլոր հատակը իրանին ամրացված է զամբրով, որոնց խոշոր գլխամասերը մեխի գլխիկ են հիշեցնում։ Կանթերը նման են կիրովականյան կաթսայի կանթերին, բայց իրանին ամրացված են ոչ թե մեկ, այլ երեք զամբ (աղ. I, նկ. 5)։ Երևանի օրինակը գտնվել է «Ավտոագրեգատ» գործարանի տարածքում։ Այս օրինակը, ձևով և լափերով մոտ լինելով Լոռի բերդյան կաթսային, դրանից էականորեն տարբերվում է կանթի ձևերով։ Կաթսայի իրանը երկու կողմից ամուր գրկող այս կանթերն ատամնավոր են և լրացուցիչ ամրացված են զամբրով (աղ. I, նկ. 6)։ Նման կաթսաններ հայտնի են Բոնդրի № 5 և 15 դամբարանաբլուրներից, որոնց նյութերը բնորոշ են միջին բրոնզի դարաշրջանի թոնդ-կիրովականյան մշակույթին⁴։

¹ Б. Б. Пиотровский, Археология Закавказья, Л., 1949, с. 47; А. А. Мартиросян, Армения в эпоху бронзы и раннего железа, Ереван, 1964, с. 66.


² Գ. Արեշյան, Հ. Սիմոնյան, Գ. Սարգսյան, Հայագիտական կենտրոնի 1976 թվականի դաշտային հնագիտական աշխատանքները (ԵՖաների Երևանի համալսարանի), 1977, № 3, էջ 272, նկ. 2)։

³ С. Г. Деведжян, Люри-Берд 1, Ереван, 1981, с. 21, табл. II, рис. 4.

⁴ Ա. Փիլիպոսյանի պեղումներից. նյութերը պատրաստվում են հրատարակության։

⁵ Б. А. Куфтин, Археологические раскопки в Тrialeti, Тбилиси, 1941. табл. XV—XVI; Э. М. Гогадзе, Периодизация и генезис курганной культуры Тrialeti, Тбилиси, 1972, табл. 7, рис. 19, табл. 12, рис. 12.

Հին Հայաստանի կաթսաների երկբուրդ տիպը ներկայացված է լճաշենից, Լոռի բերդից, Շիրակավանից և Արծվաբերդից (Ղուզի) գտնված մի քանի անոթներով, որոնք հանգես են գալիս ուշ բրոնզի վաղ փուլում և հարատևում են մինչև մ. թ. ա. I հազ. սկիզբը։ Սրանք բոլորն էլ ունեն խոշոր, կլորավուն իրան և հատակ, կլորավուն կամ ուղիղ, շուրթի վերածվող, թեթևությամբ էնդացող ուսեր։ Այս կաթսաներն իրարից տարբերվում են հիմնականում չափե-



Աղյուսակ I

րով և կանթերի ձևերով։ Հատկապես մեծ բազմազանությամբ են աչքի ընկնում լճաշենի մ. թ. ա. XIV—XIII դդ. հարուստ դամբարաններից գտնված կաթսաները։ Սրանցից երկուսը (աղ. I, նկ. 7)⁶ ունեն կլորավուն հատակ և իրան, թեք ուսեր և փոքր ինչ կլորացող, դուրս ճկված շուրթ։ Կիսակլոր կանթերը, որոնք հակադիր կողմերի վրա ճկված ստորին մասով ամրացված են անոթի եզրերին, բարձրանում են շուրթից վեր։ Քվում է, թե այս կաթսաները պատրաստված են ամբողջական թիթեղից, որը, դատելով դրանց ձևերից, տեխնիկայից և անհնար է։ Ըստ երևույթին, դրանք պատրաստված են իրար զոգված երկու առանձին թիթեղներից։ Ջողման հարթեցված կարը օգտիդի շերտի տակ չի երևում։ Այս ենթադրությունը անհրաժեշտ է ճշտել բենտոնոսկոպիկ մեթոդների օգնությամբ։ Եթե այն ճիշտ է, ապա զոգման միջոցով կաթսաների պատրաստման եղանակը տեխնոլոգիական մեծ առաջընթաց է՝ ի համեմատ միջին բրոնզի դարի մետաղյա սպասքի պատրաստման եղանակների։ Հատկապես հետաքրքիր է երրորդ կաթսան, որից պահպանվել է անոթի վերին մասը (աղ. I, նկ. 9)⁷։ Ի տարբերություն մյուսների, սրա

⁶ Հայաստանի պատմության պետական թանգարան (այսուհետև՝ ՀԳԹ), գույք № 2009/607, 2049/103։

⁷ ՀԳԹ, գույք № 2007/18։

ճկված շուրթի միջով բրոնզե լար է անցնում, որը լրացուցիչ ամրություն է հաղորդում վերջինիս: Այս տիպին է վերաբերում նաև մ. թ. ա. XIV—XII դդ. թվագրվող, Շիրակավանից գտնված կաթսաներից մեկը (աղ. 1, նկ. 11)⁸: Ստ նույնպես ունի կլորավուն հատակ և իրան, ուղիղ կտրված շուրթի վերածվող թեք ուսեր: Կանթերի ձևով այն չի առանձնանում: Սակայն, ի տարբերություն լճաշենի նմուշների, սրա շուրթի տակ, անոթի իրանին, շուրթին լրացուցիչ ամրություն տալու և ծռվելուց պահպանելու համար, դուրգամված են մի քանի բրոնզե թիթեղներ: Այս տիպին պայմանականորեն կարելի է վերագրել Լոռի բերդի № 2 դամբարանից գտնված կաթսան⁹, որն ունի ավելի երկարավուն իրան: Կանթերը շեն պահպանվել, որոնց առկայությունը մասին վկայում են շուրթի տակ պամերի համար արված անցքերը (աղ. 1, նկ. 3):

Այս տիպի մեկ առանձին տարբերակ են կաղմում լճաշենի¹⁰ (աղ. 1, նկ. 10) և Շիրակավանի (աղ. 11, նկ. 2) դամբարաններից գտնված երկու կաթսան: Երկուսն էլ ունեն վերը նըշվածներին նմանվող իրան, բայց զանազանվում են կանթերի ձևերով: Այս անոթների կտրվածքում հարթ կանթերն ամրացված են ուսերի կենտրոնական մասում և կորանալով իջնում են իրանի վերին մասի վրա: Այս տարբերակին կարելի է վերագրել Շամշադինի շրջանի Արծվաբերդ գյուղի մոտ գտնվող Բուղաքար դամբարանադաշտից հայտնաբերված նմանօրինակ կաթսան (աղ. 11, նկ. 1)¹¹, որը մյուսները զատվում է կանթերի ձևերով: Կանթերից մեկը, որ պատրաստվել է կաթսայի հետ մեկտեղ, կտրվածքում կիսակլոր է և արտաքին երեսից զարդարված է երեք ուղիղ գծերով: Հարթ ապարանշանից պատրաստված երկրորդ կանթը ամրացվել է հետագայում: Զարդարված է զիգզագ գծերով և կետերով: Այս տիպին է դասվում նաև լճաշենից գտնված մեկ այլ կաթսայի պահպանված հատվածը, որը նույնպես առանձնանում է կանթերի ձևերով¹²: Պահպանվել են կողերի մի մասը և կլորավուն, ոլորած շուրթը: Շուրթի տակ, հակադիր կողերի վրա ամրացված են հարթ, կենտրոնում անցքով, ոչ մեծ (2 սմ բարձրությամբ) ուղղահայաց կանթեր: Հետաքրքիր է նշել, որ մ. թ. ա. I հազարամյակի հուշարձաններում նման կանթերը լայն տարածում են գտնում խեցանոթների վրա, որը վկայում է հնագույն բրոնզերի կողմից մետաղյա անոթների ձևերի ընդօրինակման մասին:

Կաթսաների երեքդ տիպը ներկայացված է Լոռի բերդից (մ. թ. ա. XIV—XIII դդ.), Արթիկից (մ. թ. ա. XII—XI դդ.) գտնված անոթների մի փոքր խմբով: Լոռի բերդի № 7 դամբարանից¹³ գտնված կաթսան ունի ամրություն հաղորդելու համար ոլորած շուրթ, կիսադնդակ իրան (աղ. 1, նկ. 4): Սրա դարձուր, բարձր կանթը (մյուսը պահվել է հետում), երկրորդ տիպի կաթսաների կանթերի նման, ամրացված է անոթի ուսին և բարձրանում է շուրթից վեր: Հակադիր կողմերի վրա թեքված կանթի ստորին մասի երկու ծայրերը յուրաքանչյուր կողմից ունեն 22 սմ երկարություն, որով, ինչպես և Շիրակավանի կաթսայի շուրթերին դուրգամված թիթեղները, լրացուցիչ ամրություն է տրվել նրան:

Իր ձևերով և կտրվածքով օրինակին մոտ է կանգնած Արթիկից գտնված կաթսան (աղ. 11, նկ. 10): Այն ունի վերին մասից հատած ձվածիր իրան, դուրս ճկված կլորավուն շուրթ¹⁴: Կաթսայի երեք օղակաձև կանթերից յուրաքանչյուրի ստորին ծայրերը երկուական գամերով ամրացված են անոթի կողերին: Իրենց ձևերով և ամրացման եղանակով այս կանթերը հիշեցնում են ուշ բրոնզի վաղ փուլով թվագրվող լճաշենի խեցանոթների բռնակները¹⁵: Այստեղ գտնված կճուճների դեկորատիվ բռնակները զարդարված են վերադիր ծեփած օղակներով, որոնք գամերի գլխիկներ են նմանակում: Ինչպես տեսնում ենք, այս կավանոթներում նույնպես նկատվում է մետաղյա անոթների ձևերի կրկնությունը: Դա հաստատվում է նաև նրանով, որ նշված կճուճների բռնակները ստորին մասում ճկված են հակադիր կողմերի վրա, որը նկատվում է նաև լճաշենից, Լոռի բերդից և Շիրակավանից գտնված ուշ բրոնզի վաղ փուլի կաթ-

⁸ Օ. Խնկրիկյանի պեղումներից. նյութերը հրատարակված չեն:

⁹ Ս. Գ. Деведжян, նշվ. աշխ., էջ 33, աղ. VI, նկ. 2:

¹⁰ ՀԳՊՔ, գույք № 2009/62:

¹¹ Ս. А. Есаян, Древняя культура племени северо-восточной Армении, Ереван, 1976, табл. 131, рис. 7.

¹² ՀԳՊՔ, գույք № 2007/108:

¹³ Ս. Գ. Деведжян, նշվ. աշխ., էջ 33, աղ. VI, նկ. 1:

¹⁴ Т. С. Хачатрян, Древняя культура Ширака. Ереван, 1975, с. 218, рис. 130.

¹⁵ А. О. Мнацаканян, О двухцветной керамике Лчашена (ՀՄՄՀ ԳԱ «ՏՖ-դեկոր» (հաս. գիտ.), 1957, № 5, էջ 109, նկ. 2):

սաներում, որոնց կանթերը նույն եղանակով ամրացված են անոթի ուսերին: Ախթալայի կաթսան, որի մեջ բրոնզե իրերի գանձ գտնվեց, պատրաստված է բրոնզե կոփածո թիթեղներից (աղ. II, նկ. 4): Այն, ինչպես և լոռիբերդյան օրինակը, ունի կլորավուն իրան և հատակ, սակայն ուսերը ոչ թե թեքվում են. այլ մի փոքր զոգավոր են: Կանթերից մեկը (մյուսը չի պահպանվել), զարդարված է ցանցանախշերով, բարձրանում է շուրթից վեր, իսկ ներքին, հակադիր ծայրերը դուրգամված են անոթի կողերին:



Աղյուսակ II

Չորրորդ տիպի կաթսաները հայտնի են Հայկական բարձրավանդակի ծայր հյուսիս-արևելքում տեղաբաշխված հուշարձաններից, հատկապես արդի Ադրբեջանական ՍՍՀ Դաշքեսանի շերտի Չովդար գյուղի մոտի դամբարաններից¹⁶ և թվագրվում են ուշ բրոնզի դարաշրջանի վերջին փուլով: Սրանցից մեկը գտնվել է 1928 թ. Դ. Շարիֆովի պեղած № 11 դամբարանից: Հստակ հեղինակի, այն պատրաստված է կոփածո պղնձե թիթեղից (հավանորեն, լճաշենյան օրինակների նման, այս կաթսան էլ պատրաստված է իրար զոգված երկու թիթեղից), ունի հատած կոնի ձև: և կլորավուն հատակ: Շուրթը փոքր ինչ դուրս է ձկված: Հակադիր ուսերին դուրգամված են ձևավոր, պղնձե թիթեղի շերտեր, որոնց ծայրերը վերածվում են օղակաձև ունկի, ուր մըտնում են ձողերից պատրաստված (տրամագիծը կտրվածքում՝ 1 սմ) սեղանաձև կանթերը: Կաթ-

¹⁶ Г. Кесамалы, Медные котлы эпохи поздней бронзы из Азербайджана («Краткие сообщения Института археологии» (այսուհետև՝ КСИА), вып. 108, М., 1966, с. 79—80, рис. 26).

սայի շուրթը և կանթերը զարդարված են ալիքաձև կրկնակի գծերով (աղ. II, նկ. 6)։ Երկրորդ կաթսան Չուրթի ծայրամասի հողային աշխատանքների ժամանակ գտնվել է Ռ. Պետրոսյանը (աղ. II, նկ. 3)։ Այն ես պատրաստված է մեկ ամբողջական պղնձե թիթեղից և ունի նույն ձևը։ Շուրթի տակով անցնում է 4 սմ լայնությամբ պղնձե գոտի։ Ձողով արված, արմնկաձև կանթերը, որոնց ծայրերը տափակեցված են ու կտրված առանցքի երկարությամբ, շուրթը զբրկում են երկու կողմից և լրացուցիչ կերպով ամրացված են դամբերով։ Կանթերի դուրգամվելու եղանակը հիշեցնում է Երևանից գտնված միջին բրոնզի դարաշրջանի կաթսայի կանթերի ամրացման ձևը։ Դա վկայում է հնագույն Հայաստանի արհեստագործության տեխնիկական եղանակների ավանդականության և ժառանգականության մասին։ Ինչ վերաբերում է Դ. Շարիֆովի պեղած կաթսային, ապա սրա կանթերը, ի տարբերություն վերը նշված բոլոր օրինակների, կիպ չեն ամրացված, այլ ազատ շարժվում են ունկերում, որը հնարավորություն է տալիս այն համարել Հայաստանի և ժամանակակից անգրկովկասյան կաթսաների կանթերի նախատիպ։

Քննարկվող ժամանակահատվածում թասերը ներկայացված են երկու օրինակով։ Սրանցից մեկը պատրաստված է արծաթից (աղ. II, նկ. 5), գտնվել է Կիրովականի դամբարանադաշտից։ Բրոնզե կաթսայի հետ։ Թասն առանձնանում է իր պարզությամբ և նրբազեղությամբ։ Այն ունի հատած շրջանի ձև, նկատելիորեն հաստացված, ուղիղ կտրած շուրթ։ Շուրթի տակ արված է հորիզոնական ձգվող, շեղանկյուն զարդանախշ, որ երկու կողմից ուղվագծված է զիգզագ գծերով։ Իրանի ներքին մասը զարդարված է երեք խումբ յոթական կիսաշրջաններով։ Այս զարդանախշերն իրենց ձևերով կապվում են Կարմիր բերդից¹⁷, Գառնիից¹⁸, Կիրովականից¹⁹ հայտնի, միջին բրոնզի սկզբով թվագրվող գունազարդ, միագույն կավանոթների զարդանախշման մոտիվներին։ Երկրորդ թասը գտնվել է Արթիկի Ֆ 575 դամբարանից և թվագրվում է ուշ բրոնզի վերջին փուլով (մ. թ. ա. XII—XI դդ.)։ Այն պատրաստված է բրոնզից, ունի ուղիղ կտրած եզրերով կիսակլոր իրան (աղ. II, նկ. 11)²⁰։ Նման թասեր հայտնի են Թոնդրի բրոնզի դարաշրջանի հուշարձաններից²¹, հանդիպում են նաև երկաթի դարաշրջանում։

Հաջորդ խումբը կազմում են Կիրովականի միջին բրոնզի դարաշրջանի դամբարանաբուրներից գտնված կավանոթները։ Այս խմբում հատկապես առանձնանում են արծաթյա երկու գավաթներ։ Մեկը բարձր է, փոքր ինչ լայնացող ուղիղ պատերով, թեթևակի դուրս ճկված շուրթով և հարթ հատակով (աղ. II, նկ. 15)։ Երկրորդը ավելի ցածրադիր է, կլորավուն, ուռուցիկ իրանով։ Շուրթի ձևով նման է առաջինին (աղ. II, նկ. 13)։ Ի տարբերություն առաջինի, վերջինիս հատակը նաև նստուկ ունի։ Երկու գավաթներն էլ ունեն ուղիղ, շուրթից վեր բարձրացող, դեպի իրանի կենտրոնը տարված կանթեր։ Իրենց ձևերով այս կանթերն առնչվում են Ոսկեվազից գտնված կավանոթների բունակներին, ինչպես նաև դիտարկվող ժամանակաշրջանի Ալաշա-Հուլուկից և Փոքր Ասիայի արևմտյան շրջաններից հայտնի խեթական ոճի անոթների կանթերին²²։ Այս գավաթները հնարավորություն են տալիս ենթադրելու, որ մետաղամշակության զարգացման արշալույսին վարպետ-մուրհները նմանակել են խեցեգործական բարձրարժեքի նմուշները, երբեմն նաև դարգանախշերի մոտիվները։ Այդ է վկայում Կիրովականի դամբարանադաշտից գտնված արծաթյա թասը։

Ինչպես հայտնի է, կետագրող շեզանկյունիներով զարդանախշը հանդես է գալիս արդեն վաղ բրոնզի դարաշրջանի վերջում։ Այս հանգամանքը հնարավորություն է տալիս ենթադրելու, որ այստեղ առաջին անգամ առկա է գունազարդ կավանոթների վրա արված զարդամոտիվները մետաղյա անոթներին փոխանցելու երևույթը, որն հատկապես հստակ երևում է լճաշենյան կավանոթների, ինչպես նաև Ուզերլիկի կավե գավաթների ձևերից ու զարդանախշերից²³։ Նշենք,

17 С. А. Есаян, Ереван (археологический очерк), Ереван, 1969, с. 20.

18 Է. Վ. Խանզադյան, Գառնի 4-րդ, Երևան, 1969, տախտ. II:

19 Նույն տեղում, նկ. 83:

20 Т. С. Хачатрян, *նշվ. աշխ.*, էջ 220, նկ. 131:

21 Б. А. Куфтин, *նշվ. աշխ.*, էջ 17, նկ. 18:

22 Г. Е. Арешян, Малоазийские формы в керамике Армении среднего бронзового века («Советская археология», 1973, № 4, с. 45—47).

23 К. Х. Кушиарева, Поселение эпохи бронзы на холме Узерлик-тепе около Агдама («Материалы и исследования археологии СССР», 1959, № 67, рис. 12, 13, 15); А. А. Мартяросян, *նշվ. աշխ.*, էջ 65:

որ հետագայում տեղի է ունենում հակադարձ պրոցեսը, երբ խեցեգործության մեջ լայնորեն կիրառվում է մետաղյա անոթներին նմանակելը:

Հետաքրքիր գտածո է Կիրովականի դամբարանարևուրտից հայտնաբերված արծաթյա դուլը: Ուստի իրանի կառուցվածքով նմանվում է վերը նկարագրած առաջին գավաթին: Իրանի վերին մասում ամրացված է աղեղնաձև, երկար կանթը (աղ. II, նկ. 14): Իրանի ձևով այն շունչվում է նաև Թոնդրի մ. թ. ա. XVI դ. դամբարանից²⁴ և Ալտշա-Հուլուկից գտնված գավաթներին, իսկ ունկի կողքային մասով և հատակի ձևով Վաֆիայից գտնվածներին²⁵: Ինչպես արդեն նշվեց, Կիրովականի դամբարանարևուրտի գտածոների մեջ եղակի նմուշ է ոսկյա գավաթը (աղ. II, նկ. 7)²⁶: Այն ոսկե բարակ թիթեղից պատրաստված, կլորավուն, ուռուցիկ իրանով, մի փոքր դուրս ձկված շուրթով միականթ անոթ է (կանթը կոտրվել է հետո): Հատակն ունի բարձր, լայնացող նստուկ, շուրթի տակով անցնում է թույլ արված երկշար ոլորանախշ, իսկ անոթի ևստորին մասով՝ Լրկար, զիգզագ զարդագոտի: Այս երկու զարդամոտիվների միջև կա տարածքում դրոշմված են երեք զույգ, Լրախները բաց, դեմ-դիմաց կանգնած առյուծներ: Այս թասը ձևով հիշեցնում է Թոնդրի № 6 դամբարանարևուրտից գտնված անզարդ, ոսկյա թասը, իսկ առյուծների պատկերները՝ № 15 դամբարանարևուրտի ոսկյա գավաթի թմրուկի վրա արված առյուծներին²⁷:

Հետագույն դեկորատիվ-կիրառական արվեստի բարձրարժեք նմուշներ լինելով՝ այս բոլոր անոթներն իրենց տարբերակներով բազմաթիվ զուգահեռներ ունեն Առաջավոր Ասիայի և Միջ-երկրականի երկրների արվեստում: Դրանք ու համաժամանակյա խեցանոթների միջև եղած ձևերի և զարդամոտիվների մեծ ընդհանրության առկայությունը հնարավորություն է տալիս ենթադրելու, որ քննարկվող անոթները տեղական արտադրանքի նմուշներ են՝ առաջավորասիական բարձր կանգնած մշակույթի ազդեցությամբ հանդերձ, որի բաղկացուցիչ մասն է կազմել նաև Հայկական լեռնաշխարհի ցեղերի արվեստը: Բացի այդ, մետաղի արտադրությունն ավելի հին ավանդույթներ է ունեցել, քան կարող ենք ենթադրել այսօր: Դա հիմնվում է այն փաստի վրա, որ քննարկվող ժամանակաշրջանում, ինչպես և հետագա դարերում Հայաստանի և Անդրկովկասի խեցանոթները կրկնում են Կիրովականի և Թոնդրի ոսկյա գավաթների ձևերը, որոնց համեմատականները տեսնում ենք Լճաշենի, Ուզբերիկ-Թեփի, Միծենականբերդի, Օսեթիայի կավե գավաթների մեջ: Այս հանգամանքը հստակ վկայում է այն մասին, որ բրոնզեդարյան արդեն քաջ ժանոթ էին այդ իրերին և հաճախ ընդօրինակում էին մետաղյա անոթների հաստատուն ձևերը²⁸:

Հայաստանում լայնորեն կիրառվող խոհանոցային սպասքի մասն են կազմում բրոնզե կեռիկները, որոնք ձևով բաժանվում են մի քանի տիպի: Առաջին տիպին են վերաբերում Կիրովականից²⁹, Լճաշենից³⁰, Լոռի բերդից³¹ և Թաթիայից³² գտնված, 14—22 սմ երկարություն ունեցող բրոնզե կեռիկները, որոնք ստորաբաժանվում են երկու տարբերակի: Առաջին տարբերակին են պատկանում Կիրովականի (աղ. III, նկ. 8), Լոռի բերդի (աղ. III, նկ. 7) կեռիկները, որոնք գտնվել են վերը նշված կաթսաների հետ և թվագրվում են միջին բրոնզի դարի վերջով: Մյուսն ունեն փայտյա բռնակն ամրացնելու համար մեկ միջանցիկ անցքով սնամեջ, խողովակաձև կոթառ, որը վերածվում է կիսակլոր, ճկած, սրածայր ձողի: Նման պղնձե կեռիկ, որ թվագրվում է մ. թ. ա. III հազարամյակի վերջով, հայտնի է էշերի երկրորդ դամբարանարևու-

²⁴ Б. А. Куфтин, *նշվ. աշխ.*, աղ. СII:

²⁵ Г. Е. Арешян, *նշվ. հոդվ.*, էջ 48:

²⁶ Б. А. Куфтин, *նշվ. աշխ.*, աղ. С, CI:

²⁷ Б. Б. Пиотровский, Новые данные о древнейших цивилизациях на территории СССР, М., 1953, с. 5—6.

²⁸ К. Х. Кушнарeva, *նշվ. աշխ.*, էջ 94: С. А. Есаян, Ереван, с. 43.


²⁹ Т. С. Хачатрян, Орудия труда эпохи поздней бронзы и раннего железа в Армении («Труды Государственного исторического музея Армении», т. V, Ереван, 1959, с. 222).

³⁰ Հղված, *գույք* № 2007/112:

³¹ С. Г. Деведжян, *նշվ. աշխ.*, էջ 22, աղ. II, նկ. 5:

³² Т. С. Хачатрян, Орудия труда эпохи поздней бронзы и раннего железа в Армении, с. 127, рис. 55.

րից³³, Երկրորդ տարրերակն են կազմում լճաշենից (աղ. III, նկ. 2) և Բաքիայից (աղ. III, նկ. 5) գտնված կեռիկները, որոնք կառուցվածքով նման են առաջիններին, ղանաղանվում են միայն սուր ծայրի ավելի թույլ ճկվածությամբ և ունեն մանգաղի ձև Բաքիայի օրինակն ունի մի տարբերություն եւ. նրա կոթառը ճկման տեղից մինչև հակառակ ծայրը լցված է կտրծր շաղախով:



Աղյուսակ III

Կեռիկների երկրորդ տիպին են վերաբերում լճաշենից գտնված օրինակները, որոնք հատուկվում կլուր, 63—65 սմ երկարության, երկու ծայրերը հակադիր ծոված ձողեր են (աղ. III, նկ. 9)³⁴, Դրանք հաճախ հանդիպում են կաթսաների հետ, որն ուսումնասիրողներին հիմք է տվել ենթադրելու, որ այդ կեռիկներն օգտագործվել են կաթսաներից միա հանելու համար: Սակայն սխալ կլինի կարծել, որ նման երկարության կեռիկներն օգտագործվել են կաթսաներից միա հանելու համար միայն: Ըստ երևույթին, սրանք գործածվել են նաև թոնիրներից և օջախներից ինչպես միա, այնպես էլ այլ կերակուրներ հանելու համար, կատարել են նաև կրակխառնիչի դեր:

Տուրքիայից գտնված օրինակը պատկանում է կեռիկների երկրորդ տիպին: Ճկման ձևով այն մոտենում է լճաշենի և Բաքիայի կեռիկներին (աղ. III, նկ. 6), սակայն, ի տարբերություն

³³ М. М. Иващенко, Исследования археологических памятников материнской культуры в Абхазии, Тбилиси, 1936, с. 29, табл. XI, рис. 3.

³⁴ ՀԳԳԲ, գույք № 2009/384:

մեացած բոլորի, խողովակաձև կոթառի փոխարեն ունի երկար կոթ, որին հագցվել է փայտյա բանակը: Կոթի վերին մասը վերածվում է ունիձեղնաձև զարդերով նախշված, փոքր ինչ լայնացող խողովակի, որ մտցվել է բռնակը³⁵: Նույն ձևն ունի նաև Ղարաբաղից (Բալուկայա և Սիրիսովենդե Պոլսի մոտ գտնվող №1 դամբարանաբլուրից)³⁶ գտնված կեռիկը: Ծավոք, սրա կոթը շարժված է, բայց հիմքի մոտ երևում են միայն հագցված բրոնզե զղի հետքեր:

Մետաղյա սպասքի ոչ մեծ, բայց շատ հետաքրքիր խումբ են կազմում բրոնզե շերտիները: Հենգույն օրինակը մ. թ. ա. XIV—XIII դդ. թվագրվող, Հնաշենից գտնված նմուշն է³⁷: Այն ունի ուղիղ, հաստացող շուրթով (տրամագիծը՝ 9 սմ) կլորավուն, ուռուցիկ իրան, սնամեջ, 18 սմ երկարությամբ բռնակ, որը կազմված է սնամեջ, սեպաձև, ցանցկեն զարդերով պատված խողովակներից, որոնք հագցվել են փայտյա հիմքին: Բռնակն ավարտվում է ստորին մասին զոդված շուրս ականաճաղով անիվով՝ վրան նստած, խիստ ոճավորված թուղունի քանդակով (աղ. 11, նկ. 9): Մեկ այլ շերտի գտնվել է մ. թ. ա. XII—XI դդ. թվագրվող Արթիկի № 335 դամբարանից³⁸: Այն ունի կլորավուն, ուռուցիկ իրան և ուղիղ կտրված շուրթ, որի տակով անցնում է խոր ակոսադոտի: Հատակը նույնպես կլորավուն է (տրամագիծը՝ 39 սմ): Մի եզրին շուրս միխով դուրգամված է սնամեջ բռնակը, որը, 12 սմ ձգվելով, ծնկաձև ձուլվում է իրանին և իշնում մինչև հատակ: Բռնակն արտաքին երեսից զարդարված է ուռուցիկ ելուստներով, ճկված մասը՝ V-աձև ցանցկեն կտրվածքներով, ոլորանախշ, զիգզագ, օղակաձև զարդանախշով, իսկ հիմքը՝ տասը թերթիկներից կազմված պսակով (աղ. 11, նկ. 8): Այս նույն դամբարանում գտնվել է մեկ շերտի էս, որն իրանի ձևով (տրամագիծը՝ 15 սմ) մոտենում է առաջինին, և որի բռնակը երկու երկար (72 սմ), ճկված կեռիկներով ավարտվող ձող է³⁹:

Եզակի նմուշ է լուսի բերդի մ. թ. ա. XII դ. թվագրվող դամբարաններից մեկում գտնված շերտի⁴⁰: Հարթ շուրթով իրանը ուռուցիկ է (տրամագիծը՝ 22 սմ, բարձր՝ 8 սմ): Շերտի եզրերը զարդարված են շուրս ունիձեղնաձև զոդերով, որոնք անոթին տալիս են հորիզոնական-ծալքավոր տեսք և լրացուցիչ ամրություն: Մի կողմից անոթի եզրին շուրս դամբրով ամրացված է սնամեջ, ուղղանկյուն բռնակ, որն ամրողջովին զարդարված է ցանցկեն, եռանկյունաձև և սեպաձև կտրվածքներով: Բռնակին մեջքով ամրացված է արմունկները ծալած, առաջ պարզած թևերով ռազմիկի ֆալիկ արձանիկ: Զեռքը բռնակից է արված: Ինչպես հայտնի է հին Հայաստանի նմանատիպ արձանիկներից, ձեռքերի նման ձևը խոսում է այն մասին, որ դրանց պետք է ամրացված լինեին նիզակ, գուրգ, կենաց ծառ կամ այլ առարկաներ, որոնք շեն պահպանվել: Արձանիկը սնամեջ է, ձուլված՝ մոմե կաղապարում: Այն միջահասակ, լայն կրծքով, ոտքերը մի փոքր բացած, հստակ արտահայտված ֆալուսով զինվոր է: Աջ ազդրին ունի կտրվածքով արված կեռախաշ և սեպաձև նախշեր: Կուրծքը և ձեռքերը զարդարված են ցանցկեն սեպանախշերով: Բարակ վզի վրա՝ դանգվածեղ գլուխը ծածկված է ցածրադիր, սեպաձև փոսիկներով զարդարված սաղավարտով, որը գրեթե ամբողջովին զարդարված է բարձր կատարով: Հստակ ընգզրծված են դեմքի մանրամասները՝ զանգվածեղ, առաջ ճկած կզակը, փոքր, նշան աչքերը, ուղիղ քիթը և ամուր սեղմված բերանը: Շերտի բռնակի հակադիր շերտին զոդված է սրածայր, բարձր եղջյուրներով այծի ոչ մեծ քանդակ: Իրանը զարդարված է երեք սեպաձև փոսիկներով, իսկ գավակին ոչ մեծ, դուրս ցցված պոչ է արված (աղ. 11, նկ. 1):

Եզակի է նաև Զարխշից գտնված շերտի⁴¹: Այն ունի բարձր, հարթ նստուկով, կլորավուն, ձվաձև իրան և հարթ, լայն շուրթ: Մի եզրին ամրացված է կեռածայր մուճակներ հա-

35 А. О. Мнацаканян, Находки предметов бронзового века из села Телорс (Зангезур) АрмССР («Краткие сообщения Института истории материальной культуры», 1964, № 54, с. 101—110); Т. С. Хачатрян, Орудия труда эпохи поздней бронзы и раннего железа Армении, с. 227.

36 К. Х. Кушнарева, Некоторые памятники эпохи поздней бронзы в Нагорном Карабахе («Советская археология», 1957, № XXVIII, с. 147, рис. 10).

37 А. О. Мнацаканян, Лчашенские курганы (КСИА, 1961, вып. 85, рис. 24).

38 Т. С. Хачатрян, Древняя культура Ширака, с. 218, рис. 130.

39 Նույն տեղում:

40 Ս. Դևեջյանը այս շերտի հրատարակել է ամսագրում, առանց խորագրի («Սովետական Հայաստան», 1981, № 8, էջ 39):

41 С. А. Есаян, Древняя культура племен северо-восточной Армении, с. 243, табл. 113.

դած, ձեկները ծալած մարդկային ոտքի պատկերով բռնակել: Ոչ մեծ գծիկներով, կետերով և գալարագծերով ընդգծված են ներբանները, կրունկը և դուրս ցցված մատները: Ոտքի կրունկից դեպի նստուկը նեղ մետաղի ձող է ամրացված, որով դրանք միանում են: Մեկին ու ներբանի վերին մասին զոդված են ոչ մեծ օղեր: Շերեփի եզրերը զարդարված են եվազող գալարների գոտիով: Թեք գծերով և գծիկներով ուրվագծված նման զարդանախշ անցնում է բռնակի վերին մասով: Թեք գծերով է զարդարված նաև կրունկը նստուկին միացնող ձողը (աղ. II, նկ. 38),

Անդրկովկասում բրոնզե շերեփներ գրեթե չեն հանդիպում: Որքան հայտնի է, մեկ օրինակ գտնվել է Մելանիի (Վախեթ), որը շերեփի հեռավոր նմանություն ունի միայն, Այն խոշոր իրանով, լայն նստուկով, բարձր, փոքր ինչ կլորավուն եզրերով և ուղիղ շուրթով անոթ է: Ամբողջ իրանը և հատակի կենտրոնական մասը ներսի կողմից զարդարված: Են զրվագծված օղակաձև զարդերով: Եզրերից մեկին ամրացված է զույգ լարով բռնակը⁴²:

Անհրաժեշտ է նշել, որ վերը նկարագրած իրերի մի մասը, հատկապես շերեփները, զարդարված են երկնքի և արևի պաշտամունքի հետ կապված զարդամոտիվներով: Զարխելի և Արթիկի շերեփները զարդարված են «վազող գալարներով», որոնք խորհրդանշում են արևի հավերժական շարժումը երկնական մարում: Հնաշենի շերեփի բռնակը զարդարող խաչը խորհրդանշում է արևը, իսկ թռչունը՝ երկինքը: Նույն սիմվոլները նկատվում են լոուրերդյան շերեփի վրա, որտեղ զինվորի մարմինը զարդարող կեռախաչը նույնպես խորհրդանշում է արևը, իսկ զինվորը կարող էր խորհրդանշել արևի գերագույն աստվածությունը: Այս շերեփները կեռախաչով զարդարված աղորթների, խաչով զարդարված ձկանների, սարսաղան կալի հացերի» հետ մեկ խումբ են կազմում, և կարելի է ենթադրել, որ այդ իրերի միջոցով ստացված կամ օգտագործված նյութերը՝ ալյուր, յուղ, գինի, հատուկ կաղապարներում թխված «կալի հացեր», օգտագործում էին քրմերը այս կամ այն հավատալիքի հետ կապված ծիսական արարողությունների ժամանակ:

Քննարկվող նյութերը հստակ ցույց են տալիս, որ միջին և ուշ բրոնզի դարաշրջանում, որը սկիզբ էր առել դեռևս մ. թ. ա. III հազարամյակում⁴³, Հայաստանում սոցիալական շերտավորումը հասնում է իր զարգացման բարձրակետին: Այս դարաշրջանը խորհրդանշում է խոշոր ցեղային միությունների կազմավորումը, որոնց առաջնորդներն ու ավագանին լայնորեն օգտագործում էին շքեղ զարդարված զենքեր, զարդեր, խեցեղեն, մետաղյա սպասք և այլն, որոնք, հանդես գալով թաղումներն ուղեկցող նյութի ձևով, բնութագրում են հին մշակույթի էությունը, մինչ այդ շտեմված յուրահատկությամբ և բարրարոտական շքեղությամբ⁴⁴, Այս նյութերը միաժամանակ վկայում են մետաղամշակման բարձր զարգացման, դրանց պատրաստման և հարատեման եղանակների, համաձուլվածքների որակի բարձրացման մասին, որը տարբեր տոհմացեղային կենտրոններում աշխատող և իրենց գաղտնիքներն ու հմտությունները սերնդեսերունդ փոխանցող ժողովրդական վարպետների տքնաշան աշխատանքի արդյունք էր:

Այս նմուշների մի մասը ոսկե գավաթը և արծաթե թասը, լոուրերդյան շերեփը, հետաքրքիր նյութ են հին Հայաստանի կերպարվեստն ուսումնասիրելու համար: Հնագույն արձանագրության այս անկրկնելի նմուշները առաջավորասիական բարձր զարգացած մշակույթի բաղկացուցիչ մասն են: Հատկապես հետաքրքիր են վերը նշված կիրովականյան արծաթե գավաթները և թասի ձևերն ու զարդամոտիվները, որոնք վկայում են մ. թ. ա. III հազ. վերջի, II հազ. սկզբի կավանդների ձևերի՝ մ. թ. ա. II հազ. կեսերի մետաղյա անոթներին ժառանգարար փոխանցվելու մասին: Միևնույն ժամանակ ուշ շրջանի կավանդներն են կրկնում Կիրովականի ոսկե գավաթի, լոուրերդյան, Շիրակավանի II հազ. կեսերի կաթսաների ձևերը: Այս հանգամանքը մի կողմից վկայում է հին Հայաստանի նյութական արտադրության ավանդական ձևերի շարունակման, մյուս կողմից նոր ձևերի՝ թասեր, շերեփներ, հանդես գալու մասին, որոնք իրենց հերթին շարունակում են ավանդարար օգտագործվել հետագա դարերում: Այսպես՝ լճաշենյան կաթսաների որոշ տեսակներ հանդես են գալիս մ. թ. ա. XIV դարում և հարատևում մինչև վաղ երկաթի դարաշրջանը (մ. թ. ա. IX—VIII դդ.), իսկ Արթիկի բրոնզե թասի ձևերը՝ մինչև մ. թ. ա. VII դ.:

⁴² О. Н. Пицхеллаури, Древняя культура племен, населяющих территорию Иоро-Алазанского бассейна, Тбилиси, 1965, табл. XVII, рис. 2.

⁴³ С. А. Есаян, Ереван, с. 24.

⁴⁴ Б. А. Куфтин, *նշվ. աշխ.*, էջ 88; Б. Б. Пиотровский, Археология Закавказья, с. 45.

МЕТАЛЛИЧЕСКАЯ УТВАРЬ АРМЕНИИ ЭПОХИ БРОНЗЫ

СТЕПАН ЕСАЯН

Резюме

Домашняя утварь древней Армении, состоящая из различных котлов, кубков, таш, ведерка, черепков, кружек и изготовленная из бронзы, реже—серебра и золота, по своим морфологическим формам делится на ряд типов. Часть сосудов того или иного типа бытует на протяжении определенного времени, а другая продолжает бытовать и в последующие эпохи, что говорит о традиционной связи материальной культуры Армении и появлении инноваций в отдельно взятые эпохи.

На ранних фазах при изготовлении металлических сосудов наблюдается определенное подражание формам и орнаментальным мотивам керамических изделий, а в последующем происходит обратный процесс, когда гончары широко применяют металлические формы.

Часть рассматриваемых предметов, представляющая собой высокохудожественные изделия и имеющая огромную стоимость, принадлежала представителям родоплеменной знати, что свидетельствует о глубокой социальной дифференциации в общественной жизни древних армян.

Золотой кубок и серебряная чаша из Кировакана, черпалки из Лчашена, Лори-Берда и Артика, судя по их орнаментальным мотивам, были связаны с культами неба, солнца, плодородия и применялись при различных ритуалах, посвященных этим культам.

Близость форм рассматриваемых изделий с переднеазиатскими свидетельствует о том, что культура древних армян имела тесные связи с переднеазиатскими племенами.